

Ngohe 3.1: Te tauwhaiwhai pūnaha ā-hiko

**Ka tauwhaiwhai koutou ko ō hoa ako
ki te hono i ngā wāhanga o te ara haere
o te hiko i te Pūnaha Hiko ā-Motu!**

**Kua rite?
Kia mau,
kōkiri!**

Hātepe 1

Tikina tētahi kāri hiko.




**Ko tā te Pūnaha Hiko ā-Motu, he neke
haere i te hiko e hia rau kiromita i te
motu kia pūmau ai, kia tae haumarū
ai hoki te hiko ki a tātou.**

Ko te wero kei a koe, me hangā te ara haere o te hiko
ki tō kāinga, ā, me tere ake koe i ētahi atu rōpū i tō
akomanga. Kia tere tonu tā koutou ko tō rōpū mahi
tahi ki te whakatika i te raupapa o ngā hātepe mā te
whakamahi i ngā kāri kei tō kete hiko.

Hātepe 2

Kimihiā ētahi hoa ako e rite nei ā
kōrua kāri, ā, ko koutou hei rōpū.



Hātepe 3

Matapakihia e koutou ko tō
rōpū ngā mea kei ā koutou kāri.



Hātepe 4

Tīmata i te kāri 'whakatōhi',
atu i tērā, haere whakamuri ki
te whakatika i te raupapa o ā
koutou kāri, kia tere te mahi.

Hei wero anō, me
whakamātau ki
te whakatika i te
raupapa me te kore e
pānui i muri o ngā kāri!



Hātepe 5

Kia tika i a koutou te
raupapa, whakatūria
ngā ringa.



**Kia
kaha
rā!**

